

續名醫類案

四



續名醫類案卷十

錢塘魏之琇編集

癰瘰附症



海昌王士雄孟英同校
定州楊照藜素園

陳自明治毘陵一貴宦妻患小便不通。臍腹脹痛不可忍。眾醫皆作淋治。如八正散之類。俱不得通。陳診

之曰。此血瘕也。非瞑眩藥不可去。與桃仁煎。更初服至日午。大痛不可忍。遂臥少頃。下血塊如拳者數

枚。小便如黑豆汁一二升。痛止得愈。此藥治病的切。然猛烈大峻。氣虛血弱者宜斟酌之。桃仁大黃朴

硝各一兩。蟲蟲半兩炒黑。共為末。醋煉丸梧桐子大。五更初溫酒吞下五丸。原注此方不可妄用。良方。

杜壬治馬氏婦年三十二。腹中血塊作疼。經五六年。形已骨立。眾皆曰不可為。奈其未死何。家甚貧。而大

小慙之一日。召杜至。告杜曰。但以濟物為懷。則可。業已請召明醫。非所言也。遂以少物帛贈杜。杜不受。

曰。但服某藥。必獲安。無以是為疑。遂示方。用沒藥牛膝乾漆當歸各半兩。礪砂木香水蛭炒。紅娘子炒。

紅花丹皮硃砂各一分。海馬一個。斑猫去翅足炒十四個。為末。酒醋各半升。熬為膏。每日天明用一皂

子大酒醋化下。一月病退。六十日漸安。此藥較桃仁湯更峻宜斟酌用之。

陳藏器曰。昔有患瘰癧者。夢人教每日食大蒜三顆。初食遂致瞑眩吐逆。下部如火。後有人教取數瓣。合

皮截卻兩頭吞之。名曰內炙。果獲大效。本草綱目。張景岳治癰。停小腸右角。與此意同。

張子和治汴梁曹大使女。年既笄。病血瘕數年。太醫宜企賢以破血等藥治之。不愈。企賢曰。除得陳州張戴人方愈。一日戴人至汴京。曹乃邀問焉。戴人曰。小腸移熱于大腸。爲伏瘕。故結硬如塊。面黃不食。乃用涌泄之法。數年之疾。不再旬而愈。

柴嶼青乾隆己未寓瀋陽京兆署兵房吏王某患癥疾。教以蒸臍法治之。兼服加減五積散而愈。其妻母同患是證。王卽照方遺之。亦痊。

孫文垣治汪氏婦。經水久不止。內有紫黑色血塊。胃胸腹皆痛。玉戶且腫。手足皆冷。不知飢餓。腹下有一塊堅如石。脈左數右沈澀。此血瘕證也。用糖毬子五錢。元胡索五錢。脂香附。麥芽。青皮。各一錢。水煎服。痛減半。手足漸溫。加當歸。丹皮。蒲黃。益母。川芎。四帖痛止。玉戶亦消。又四帖而經水調。方甚平穩

張子和治一童子。入門狀如鞠躬而行。張曰。此疝氣也。令解衣揣之。二道如臂。其家求療。先刺其左。如刺重紙。剝然有聲。而令按摩之。立軟。其右亦然。觀者嗟異。或問之曰。石關穴也。

永康應童嬰腹疾。恆病偃行。久不伸。松陽周漢卿解裳視之。氣衝起腹間者二。其大如臂。漢卿刺其一。魄然鳴。又刺其一。亦如之。稍按摩之。氣血盡解。平趨無留行。續大粹

武菽卿曰。夫疝癥瘕。血氣塊硬。發歇刺痛。甚則欲死。究而言之。皆血之所爲。

陳良甫常治一婦人。血氣刺痛。極不可忍。甚而死一二日方省。醫巫併治。數年不愈。僕以葱白散烏雞丸。



遂安

陳良甫治一婦人。血氣作楚。如一小盤樣。走注刺痛。要一人扶定方少止。亦用此一二藥而愈。尋常小小血氣。用此二藥。亦有奇效。濟陰綱目

陳良甫治婦人。病血氣作楚。痛不可忍。服諸藥無效。召診之。曰。關脈弱沈。而肝脈沈緊。此血氣漸成瘕瘕也。亦只以前二方治之而愈。又四明馬朝奉後院亦病此。用二方治之亦愈。同上

宋孝武路太后病。眾醫不識。徐文伯診之。曰。此石搏小腹耳。乃爲水濟消石湯。病即愈。南史

董含妾。腹内生一痞。始如彈丸。五六年後。大類鵝卵。中似有一窟。往來移動。或痛或止。百藥罔效。久之。遍體發腫。內作水聲。日夕呻吟。死而復甦者再。諸醫束手無策。皆云。此名水鼓。病已成。不可復瘥矣。章文學旭字東生。名醫也。善治奇疾。往邀之。曰。此非水證。乃積聚所致。不半日可愈。但所用藥猛烈。轉鬪而下。驅水甚疾。試問疾人。願服與否。而病者曰。我已垂殆。苟一綫可救。死無憾也。於是取紅丸十粒。如菴豆大。以枳櫚枳實等五六味煎湯下之。初覺喉中響聲可畏。勢將不支。頃之胸膈間如刀刃亂刺。哀號轉擲。痛不可狀。又頃之下水斗許。頭面腫退。不逾時。又下數升。腹背亦退。病人曰。我今覺胸背頓寬。遂熟睡片刻。時章君猶在坐也。曰。此番不獨水去。痞亦當漸散矣。進補劑二日。明後日可連服之。遂辭去。至晚又下水四五升手。足腫全退。不三日病全愈。既而忽痞勢搖動。下紅黑痢三晝夜。痞亦不見。眾醫



北京中醫藥大學圖書館藏

驚服。往叩其故。章曰。此名腸覃。在內經水脹論中。君輩自坐不讀書耳。皆慙而退。按岐伯曰。寒氣客於腸外。與胃氣相搏。癖而內著。瘕肉乃生。始如雞卵。至其成。若懷子之狀。按之則堅。推之則移。月事以時下。腸覃生於腸外故也。又有一種名石瘕。病狀相同。月事不以時下。石瘕生於胞中故也。皆婦人之病。因有積聚可導。而下似水脹。而非水脹也。臨證之工。大宜分別。此疾若非章君。久作泉下之鬼矣。今人能感激如

岡識

一男子腸鳴食少。臍下有塊移動。若得下氣多乃已。已而復鳴。屢用疎氣降火藥。半年不愈。乃以理中湯為君。佐苓連枳實。一服腸鳴止。又每服吞厚朴紅豆蔻丸。其氣亦平矣。

薛立齋治一婦人。經不調。兩拘腫脹。小便澀滯。腹中一塊作痛。或上攻脇腹。或下攻小腹。發熱晡熱惡寒。肌膚消瘦。飲食無味。殊類瘵證。久而不愈。此肝脾血氣虧損。用八珍湯逍遙散歸脾湯。隨證互服而愈。一婦人性多鬱怒。勤於女工。小腹內結一塊。或作痛。或痞悶。月經不調。恪服伐脾之劑。今人受此內熱寒熱。胸膈不利。飲食不甘。形體日瘦。牙齒蝕爛。此脾土不能生肺金。肺金不能生腎水。腎水不能生肝木。當滋化原。用補中益氣六味地黃。至仲春而愈。

必舉仲春者。以肝木斯令時也。

松江太守何恭人。性善怒。腹結一塊。年餘上脘蝕透。血氣虛極。時季冬。肝脈洪數。按之弦緊。餘脈微弱。或用伐肝木清胃火之藥。薛曰。真氣虛而邪氣實也。恐伐肝木至春不發生耳。用八珍湯以生氣血。用地

黃丸以滋腎水肝脈頓退因大怒耳內出血肝脈仍大煩熱作渴此無根之火也仍以前藥加肉桂二劑脈斂熱退復大怒果卒於季冬辛巳日乃以金尅木故也

一婦人耳下腫赤寒熱口苦月經不調小腹內有塊此肝火氣滯而血凝也用小柴胡加山梔川芎丹皮治之諸證悉退

潤州某公補劑中多用敗龜板垂十年頗健晚患蠱脹乃謁白飛霞飛霞診視良久曰此瘕也公豈餌龜板藥耶今滿腹皆龜吾藥能逐之其骨節腠理者非吾藥所能也乃與赤丸如粒服之下龜如菽大者升餘得稍寬不數月死易簀時驗小遺悉有細蟲彷彿龜形物得氣而傳如此可不慎哉周燦圖書影

黃山畢公服膾臍初頗有驗久之得沙淋疾沙皆作犬形頭尾略具同上

陳自明治一婦人腹內結塊久而不消與神仙追毒丸一粒卽痊方見蠱門

陳自明云予族子婦病腹中大塊如盃每發則痛不可忍時子婦已貴京下善醫者悉診治莫能愈予應之曰此血瘕也投黑神丸盡三丸塊氣盡消終身不復作良方醫說續編

孫俟居比部病腹中若有癥瘕不食不眠煩懣身熱仲淳投以人參白芍茯苓麥冬木通棗仁石斛方甫具史鶴亭太史至見方中有大劑人參駭曰向因投參至劇此得無謬乎仲淳曰病勢先後不同當時邪未退滯未消故不宜今病久飽脹煩懣者氣不歸元也不食者脾元虛也不眠而煩者內熱津液少

也。今宜亟用此藥矣。四劑而瘳。後復病。仲淳診之曰。此陰虛也。非前證矣。更以麥冬白芍枸杞五味生
地車前而熱遂退。廣筆記

痞

立齋治黃恭人。腹內一塊。不時作痛。痛則人事不知。良久方蘇。諸藥不應。診其脈沈細。則非瘡毒。河間云。
失笑散。五靈脂蒲黃等分爲末醋湯調每服二錢治疝氣及婦人血氣痛欲死並效。與一服。痛去六七。再服而平。此藥治產
後心絞痛及兒枕痛尤妙。

錢國濱治陳小山妻。年三十二歲。痞成形。狀宛如鯽魚。長五寸。闊寸許。頭尾口牙悉具。漸漸游行。穿腸透
膜。上近喉邊。下近谷道。飲血咬肝。聲呼痛楚。形神狼狽。其脈強牽。尙有胃氣可治。先以古方五味紫金
錠磨服止痛。次以煨刀豆殼一兩爲君。以此豆能殺痞也。乳香沒藥定痛活血。麝香通竅。木香順氣。調
以砂糖作餌。痞受毒藥。旬日內伏不動。月餘而化。便出如蜆肉一堆。以四物參朮枸杞香附調理百日
全安。

張文潛藥戒云。張子病痞。積於中者。伏而不能下。自外至者。捍而不能納。從醫而問之曰。非下之不可。歸
而飲其藥。既飲而暴下。不終日而向之伏者散而無餘。向之捍者柔而又不支。焦膈導達。呼吸開利。快
然若未始疾者。不數日痞復作。以故藥其快然也。亦如初。自是逾月而痞五作五下。輒下每愈。然張子



之氣一語而三引。體不勞而汗。股不步而慄。膚革無所耗於外。而其中繭然。莫知所自來。聞楚之南有良醫焉。往而問之。醫歎曰。子無歎是繭然者也。天下之理。其甚快於余心者。其未必有所傷。求無傷於終身者。則初無快於吾心。痞橫於胸中。其累大矣。擊而去之。不須臾而除。甚大之累。和平之物。不能爲也。必將擊搏震撓而後可。其功未成。而和平已病。則子之痞。凡一快者。子之和一傷矣。不終日而快者。五則和平之氣。不旣索乎。且將去子之痞。而無害其和乎。子歸燕居三月。而後予之藥可爲也。張子歸三月。而後請之。醫曰。子之氣少全矣。取藥而授之。三日而疾少平。又三日而少康。終年而復常。且飲藥不得亟進。張子歸而行其說。其初使人繭然遲之。蓋三投其藥。而三反之也。然日不見其所攻。久較則月異而時不同。蓋終歲而疾平。容齋五筆

張子和治息城司侯。聞父死於賊。乃大悲。哭之罷。便覺心痛。日增不已。月餘成塊。狀若盂覆。而大痛不住。藥無功。議用燔針炷艾。病人患之。乃求於張。張至。適巫者坐其旁。乃學巫者。雜以狂言以謔疾者。至是大笑不可忍。回面向壁。一二日。心下結塊皆散。張曰。內經言憂則氣結。喜則百脈舒。又曰。喜勝悲。內經亦有此法治之。不知何用針灸哉。適足增其痛耳。妙人妙想。觸機卽應。故古今真能治疾者。子和一人而已。

劉子平妻。腹中有塊如瓢。十八年矣。經水斷絕。諸法無措。張令一月之內。涌四次。下六次。所去痰約一二桶。其中不化之物。有如葵菜爛魚腸之狀。涌時以木如意搯之。覺病稍如刮。漸漸而平。及積之盡。塊反

窪如曰。略無少損。至是面有童色。經水既行。若當年少。可以有子。

張主簿妻。病肥氣。初如酒盃大。發寒熱十五年餘。後因性急悲盛。病益甚。惟心下三指許無病。滿腹如石片。不能坐臥。針灸匪徒。月勞力耳。張曰。此肥氣也。得之季夏戊己日。在左脇下如覆盃。久不愈。令人發瘡。瘡者寒熱也。以瓜蒂散吐之。如魚腥黃涎。約一二缶。至夜令用舟車丸通經散投之。五更黃涎濃水相半。五六行。凡有積處皆覺痛。後用白朮散當歸散。和血流經之藥。如斯涌泄。凡三四次方愈。山東顏先生。有積二十年。目視物不真。細字不觀。當心如頑石。每發痛不可忍。食減肉消。黑黧滿面。腰不能直。因遇張。令涌寒痰一大盆。如片粉。夜以舟車丸通經散。下爛魚腸葵菜汁七八行。病十去三四。以熱漿粥投之。復去痰一盆。次日又以舟車丸通經散。前後約一百餘行。略無少困。不五六日面紅黧去。食進目明。心中空曠。遂失頑石所在。旬日外來謝。

杜弓匠子婦。年三十。有孕已歲半矣。每發痛則召侍媼侍之。以爲將產也。一二日復故。凡數次。張診其脈澀而小。斷之曰。塊病也。非孕也。脈訣所謂澀脈如刀刮竹形。主丈夫傷精。女人敗血。治法有病當瀉之。先以舟車丸百餘粒。後以調胃承氣湯加當歸桃仁。用河水煎。乘熱投之。三日後又以舟車丸桃仁承氣湯。瀉出膿血。雜然而下。每更衣以手向下推之。揉之則出。後三二日。又用舟車丸以豬腎散佐之一二日。又以舟車丸通經散。如前數服。病去十九。俟晴明當未食時。以針灸三陰交穴。不再旬已消矣。

孫主簿季述之母久患胸中痞急不得喘息按之則脈數且澀曰胸痹也因與仲景三物小陷胸湯一劑

知三劑愈

醫學綱目

龔子才治吳仰泉堅年五旬患腹中積塊如盤大年餘漸臥不倒腹響如雷噯氣不透口乾吐白沫下氣通則少寬五心煩熱不思飲食肌瘦如柴屢治無效診之六脈瀦亂數氣口緊盛知爲寒涼剋伐之過使真氣不運而瘀血不行與八珍粉加半夏陳皮木香厚朴萊菔子大腹皮海金沙三劑小便下血如雞肝狀至十二劑下黑血塊盆許腹中仍有數塊仍以八珍湯加枳實香附五劑而痊

一婦人年近三十患腹左脇有一大塊堅硬如石有時痛肚腹膨脹經水不調白帶頻下夜熱脈急數以

千金化鐵丸一料塊消卽孕生一女

此方疑龔杜撰四物之外一派破血行氣而已

李河山患腹左一塊數年不愈後食柿餅過多腹脹滿悶診之六脈洪數氣口緊盛以藿香正氣丸加山查神麴二劑而愈逾月又因飲食失節腹脹如初用前藥勿效與行濕補氣養血湯二十餘劑始安因囑曰病雖愈體未復元務宜謹守勿犯禁忌後數月過龔曰凡有病者皆天與也不在服藥謹守若顏子亞聖豈不能保養何短命死矣我今保養半年未見何如從可知也龔不能對遂復恣縱無忌未旬日忽患痢赤白裏急後重痛不可忍日夜無度乃自置大黃一劑數下無效復求診六脈洪數先與調中益氣湯二劑又以補中益氣湯加白芍黃連微效彼欲速愈易醫不審其夙有痞滿之病復下之不

愈。又易一醫。再與下藥。遂肛門下脫。痛如刀割。腹脹如鼓。此元氣下陷也。當大補升提。而反瀉之。不亡何待。此證濕熱內蘊。兼有積滯。因柿餅之寒滯。故爲脹滿。藿香正氣能燥濕行氣。故遂愈。然病根未拔。以血藥益濕之品。雖遷延而愈。非真愈也。始終治法。均未中肯。若早以黃連理中枳實理中更互治之。病必速愈。何至有變痢之患乎。

陸養愚治茅鹿門三夫人經期參前。腹中有塊。升動。有時作痛。作脹。大便不實。脾胃不和。其脈人迎大於氣口二倍。以此斷爲血有餘。茅問曰。此證屢服消導及養血之藥。輕則枳實枳殼木香豆仁。重則檳榔稜莪。俱

以養血佐之。藥頗中和。而病反增劇。何也。曰。據脈左盛於右。氣不足而血有餘。今所服不惟誅伐無過。且損不足而益有餘。欲其病之不劇得乎。用人參白朮陳皮乾薑大棗。以益其氣。用消痞丸。以去其血之瘀。其方用香附醋炒四兩。元胡索醋炒一兩五錢。歸尾二兩。川芎紅花桃仁海石瓦楞子火煨醋淬各一兩。醋打麵糊爲丸。與煎劑相間服。未半料而塊已失。大便結實。經水如期。

李士材治于郡守在白下時。每酒後腹痛。漸至堅硬。得食輒痛。得食反痛。實證無疑。脈之浮大而長。脾有大積矣。然兩尺按之軟。不可峻攻。令服四君子湯七日。投以自製攻積丸三錢。但微下。更以四錢與服。下積十餘次。皆黑而韌者。察其形不倦。又進四錢。於是腹大痛。而所下甚多。服四君子湯十日。又進丸藥四錢。去積三次。又進二錢。而積下。遂至六七碗許。脈大而虛。按至關部豁如矣。乃以補中益氣調補。

一月全愈。攻補互施法

王工部鬱結成痞。形堅而痛。甚攻之太多。遂泄瀉不止。一晝夜計下二百餘次。一月之間。肌體骨立。神氣昏亂。舌不能言。已治水待斃。李診之曰。在證雖無活理。在脈猶有生機。以真臟脈不見也。大虛之後。法當大溫大補。一面用枯礬龍骨栗殼樗根之類。以固其腸。一面用人參二兩。熟附五錢。以救其氣。三日之間。服參半斤。進附二兩。瀉遂減半。舌轉能言。更以補中益氣加生附生乾薑併五帖爲一劑。一日飲盡。就進藥而論則可知。如是者一百日。精旺食進。瀉減十九。然每日夜猶下四五行。兩足痿廢。用仙茅巴戟丁附等爲丸。參附湯並進。計一百四十日。而步履如常。痞瀉悉愈。枯礬雖斂而苦寒何不用禹糧石脂

姚氏婦久患痞積。兩年之間。攻擊之劑無遺用矣。而積未盡除。形體尫羸。李曰。積消其半。不可伐矣。但用補劑。元氣一復。病自祛耳。遂作補丸。服畢而痞果全消。踰三年調理失宜。胸腹痛甚。醫以痛無補法。用理氣化痰之劑。痛不減。脈之大而無力。此氣虛也。投以歸脾湯。加人參二錢。其痛乃止。

喻嘉言治袁聚東。年二十歲。生痞塊。臥床數月。進化堅消痞之藥。漸至毛痺肉脫。面鰲髮卷。殊無生理。其塊自少腹臍旁。分爲三岐。皆硬如石。按之痛不可忍。脈只兩尺洪盛。餘俱微細。謂初時塊必不堅。以峻猛之藥攻。至真氣內亂。轉獲邪氣爲害。其實全是空氣聚成。非如女子月經凝而不行。卽成血塊之比。觀兩尺洪盛。明是腎氣傳於膀胱。誤施攻擊。其氣不運。結爲堅塊。故按之則愈痛也。虛證亦有按之而愈痛者。姑用大補中藥一劑。以通中下之氣。然後用大劑藥。內收腎氣。外散膀胱之氣。約三劑可全愈。

矣。先以理中湯加附子五分。一劑塊減十之三。再用桂附一大劑。腸中氣響甚。喧頃之三塊一時頓沒。再服一劑果全愈。更用補腎藥加桂。附多用河車爲丸以善後。取其以胞補胞而助膀胱之化源也。扶曰此人攻伐太過。易以溫補未足爲奇。惟兩尺洪盛。非此詮解。誰不面牆。至於桂附河車同補腎藥爲善後計。則與腎氣傳膀胱之論緊切不泛。非通套治痞成法可比。

馮楚瞻治戚氏婦。腹中有塊作痛。發則攻心欲死。上則不進飲食。下則泄瀉無度。醫藥三百餘劑不效。脈之六部沈細已極。右關尺似有似無。明係火衰土弱。腎家虛氣上凌于心脾。土不能按納奔豚之氣。非溫補不可。用炒乾熟地八錢。補水以滋土。炒黃白朮六錢。補土以固中。炮薑熟附各二錢。補火以生土。更入五味子一錢以斂之。俾祖氣有歸。臟得其藏而腎氣納而不出也。數劑而安。一月全愈。琇按馮公此案。前人所未發。字字如良玉精金。後賢宜三復之。

吳孚先治一人患痞。前醫用攻藥已去六七。適前醫他往。吳與湯丸俱係參朮補劑。病者云。去疾莫如盡。奈何留之。吳曰。正所以盡去其疾也。經曰。大積大聚。衰其半而止。此前醫之用攻也。又曰。補正則邪自除。此余之用補也。若必盡攻。則痞去而鼓脹成。是欲盡去其疾而反益其疾矣。乃遵服不間而痊。張路玉曰。顧晉封室患痞在脇下。或令用膏藥加阿魏一分。麝香半分貼之。五六日間。遂下鮮血。血塊甚多。一二日方止。是後每歲當貼膏時必發。近鄰嫗亦用阿魏膏貼痞。下血如前。世以阿魏麝香爲痞塊必用之藥。外用爲患若此。況服食乎。爲拈出以爲虛弱人漫用攻擊之戒。

韓貽豐治胥中翰如穎病數日。二旬不食矣。已治木韓視之。面色如灰。聲低喉澀。瞳神黯然。無光私語其子曰。此甚難治。病者覺之。乃哀懇曰。我今年六十七矣。卽死不爲天。但遇神針。而不一用而死。死且不瞑目。我生平好酒。而不好色。幸爲我下一針。于是乃勉爲用針。令臥床坦腹。拊其臍下。有一痞。周圍徑七寸。堅硬如石。乃以梅花針法。重重針之。又針其三脘。又針其百勞百會。皆二十一針。針畢。令飲醇酒一盃。乃搖手曰。惡聞酒氣。已兩月矣。強之初攢眉。旣而滿引如初。

顧鳴仲有腹疾。近三十年。朝寬暮急。每發腹脹十餘日。方減食麪及房勞。其應如響。腹左隱隱微高。鼓呼吸觸之。汨汨有聲。以痞塊法治之。內攻外貼。究莫能療。喻嘉言議之曰。人身五積六聚。心肝脾肺腎之邪。結於腹之上下左右。及當臍之中者。皆高如覆孟者也。膽胃大小腸膀胱命門之邪。各結於其本位。不甚形見者也。此證乃腎藏之陰氣。聚於膀胱之陽經。有似於痞塊耳。腎有兩竅。左從前通膀胱。右從後通命門。邪結於腹之左畔。卽左腎與膀胱爲之主也。六腑惟膽無輸瀉。其五腑受五臟濁氣。不能久留。卽爲輸瀉者也。今腎邪傳於膀胱。膀胱失其輸瀉之職。舊邪未行。新邪踵至。勢必以漸透入募原。如革囊裏物者然。夫人一圍之腹。大小膀胱俱居其中。而胞又居膀胱之中。惟其不久留而輸瀉。是以寬然有餘。今腎氣不自收攝。悉輸膀胱。膀胱之氣。蓄而不瀉。失其運化。宜其脹也。治法補腎水而致充足。則精氣深藏。而膀胱之脹自消。補膀胱而令氣旺。則腎邪不蓄。而輸化之機自裕。然補腎易。而補膀胱

難以本草諸藥多瀉少補也。經於膀胱之不足者。斷以死期。豈非以膀胱愈不足則愈脹。脹極勢必逆傳於腎。腎脹極勢必逆傳於小腸。小腸脹極勢必逆傳於脾。乃至通身之氣散漫而無統耶。醫者能早見而預圖之。能事殫矣。

楊乘六治朱氏婦。病胸膈痞悶。兼寒熱往來。口乾作渴。飲食不進。服寬利清解藥益甚。脈之右關弦數而沈。面色帶紅。舌乾微黃。乃與益陰地黃湯。或曰。胸滿不食累月矣。二陳枳殼。尙不能通。地黃山藥五味。莢肉俱酸。瀼陰滯之物。其可投乎。曰。此證本因肝膽燥火。閉伏胃中。其原則由于腎水之不足。蓋腎者胃之關也。水不足則火旺薰蒸。而胃陰虧。胃與肝膽相並。且爲其所勝。又腎既不足。則肝膽陰木無水以養。而燥火獨熾。于是乘其所勝之虛而入之。且冲于上。則口乾咽燥。流于下。則二便秘急。塞于中。則爲胸悶。脈浮弦而關更甚。右手沈細而關則帶滑。此肝木有餘。脾血不足之候也。與疎肝助脾。調氣養血。則火降鬱開。而痰自內消矣。用調氣養榮湯。加陳皮。前胡。佐茯苓。消痰止嗽。青皮。香附。豆仁。白芍。疎肝寬腸。總之氣得川流。則血自津潤。數劑後。用潤字丸間服。每次五分。十日證遞減。改用六君子。改養血調氣藥。蓋邪之所湊。其氣必虛。壯者氣行則愈。弱者著而成病也。後以純補。間用調氣治嗽之品。五旬而痊。

陳三農治一少年。體薄弱。且咳血。左邊一塊。不時上攻作痛。左金蘆薈俱不應。診其脈。三部雖平。而細瀼



不流利。因作陰虛治。四物湯加知柏元參丹參鱉甲。數劑頓愈。

盧絳中

去聲

瘡疾。忽夢一白衣婦人謂之曰。食蔗卽愈。詰朝見鬻蔗絳。揣囊中且乏一鏹。惟有唐山一冊。遂

謂易之曰。吾乃負販者。將安用此。哀求之。遂貽數挺。絳喜而食之。至旦遂愈。野史

琇按本草蔗能治蛇

虺能令人瘡脹。盧病迫是虺作楚耳。故食之卽愈。

張子和治顯慶公僧應寺。有沈積數年。雖不臥牀枕。每于四更後。心頭悶硬。不能安臥。須起行寺中。習以爲常。人莫知爲何病。以請于張。張令涌出涎膠一二升。如黑礬水。繼出綠水。又下膿血數升。自爾胸中如失。便能飲餌無算。安眠至曉。

一婦人小腹中有塊。其脈瀦。服攻藥後脈見大。以四物湯倍白朮。白芍甘草爲佐。俟脈充實。間與硝石丸兩月消盡。

至正二十五年夏六月。里人周伯安。病積氣在右脇下。喘且脹者五閱月。醫治類補。以溫熱之劑。病日劇。幾殆矣。陸君祥往視之。曰。是息賁也。法當下。內經所謂留者攻之。土鬱者奪之也。積氣賁門。邪未去。其可補乎。從之不終日而愈。強齋集

汪石山治一人。年逾三十。形瘦蒼白。病食則胸膈痞悶。汗多。手肘汗出尤甚多。四肢倦怠。或麻。晚食若遲。來早必泄。初取其脈浮軟近駛。兩關脈乃略大。曰。此脾虛不足也。彼曰。嘗服參朮膏。胸膈亦覺痞悶。恐

病不宜于參耆。曰膏則稠粘。難以行散也。改用湯劑。痞或愈乎。用參耆各二錢。白朮錢半。歸身八分。枳實甘草各五分。麥冬二錢。煎服一帖。上覺胸痞。而下覺失氣。彼疑參耆使然。曰非也。使參耆使然。但當胸痞。不當失氣。恐由脾胃過虛。莫當枳朴之耗也。宜除枳朴。加陳皮六分。再服一帖。頓覺胸痞寬。失氣除。精神爽塏。脈皆軟緩不大。亦不駛矣。可見脾胃虛者。枳朴須慎。用爲佐使。況有參耆歸朮爲之君。尙不能制。然則醫之用藥。可不戒乎。

張景岳治金孝廉。以勞倦傷脾。別無他證。但不食。遂用參朮歸附桂薑甘草之屬。半月始愈。後因病復不食。如此自分必死。仍用前藥而安。

錢國賓治王元直。父腹左一痞。形如鏡大。視之乃鏡痞也。生于皮內肉上。可治以三品膏。巴豆草蘇子肉各四兩。杏仁一兩。黃丹八兩。香油一斤二兩。熬膏藥貼二十日。一日一換。出膿一二椀。內服參耆托裏。月餘收口而愈。

蔣仲芳治陳氏婦。年廿六。生痞塊已十年。在臍上。月事先期。夜則五心發熱。火嘈膨悶。忽一日。痞作聲。上行至心下。則悶痛欲絕。爲針上臍。癖下而痛定。然臍旁動氣不息。復針天樞穴。動氣少止。遂用當歸五錢。白芍白朮延胡丹皮川芎條芩各一錢。枳實官桂檳榔木香各三分。醋炙龜甲二錢。水煎空心服。至十二劑而愈。